

ЗУРАГЪАН 215
ПРОЦЕНТ КҮЦАВ

Элст балгъсна механизировани пекарнин кӧдлмшчир тави сарин эргцд зурагъан давулдж кӱцӱгъад, ӧми нӱурт йовх балгъсна предприятисин зерглӱнд йовна. Алдр Октябрьск социалистическ революцин дӧчдгч джилин ӧбн кӱртл джилӱ производствени зурагъан тӧгсӱх дӧрлдӱнд, бийдӱн авси даалгъврмудан нертӱ кевӱр кӱцӱджӱнӱ.

Май сарин программан 215 процент кӱргдж кӱцӱв, тави сара зурагъан 107,3 процент кӱцӱв. Кӧдлджӱх улсин кӧдлмшин кӱч-кӧлсн хӱлӱгдсн зурагъасн 7,3 процент давдж ӧсв. Мехпекарнин кӧдлӱчир ӱмӱн ӱрвӱлго шундж кӧдлсн учрар, 129 центнер ӧдмг, буулкс, сухарь, тогъш зурадеерӱн балгъсна кӱч-кӧлсчирт ӧгцхӱв. Эн пекарнин кӧдлмшчир цааранднь чигн кӧдлмшӱн улм ясрулхар ноолдж йовцхана.

Октябрин дӧчдгч джилин ӧбнд нерӱдсн дӧрлдӱнд ӧдмг, буулкс болгъдг цехин мастермӱд: Дубравин И. П. тави сара зурагъан 142 процент, Литовкин—138 процент, Кудюков М. Н.—120 процент, мастерин дарук Жилова—140 процент кӱргдж кӱцӱцхӱв. Иим улс нань чигн олн.

Механизировани пекарнин коллектив (директор Бавжиков) эн джилин тави сара зурагъан давулдж кӱцӱсн диилврмӱдтӱ кӧдлмшиннь ашинь батлдж, цааранднь улм сӱӱнӱр кӧдлхӱр, социалистическ даалгъврмуд авцхав.

Тиим чинртӱгъӱр кегдсн кӧдлмш 1957 джилин кӧдлмшин программие кӱцӱхд кӧтлврнь болдж, Алдр Октябрьск социалистическ революцин дӧчдгч ӧбниг ик диилврмӱдтӱгъӱр тосхар эн коллектив шунджана.

С. ДЖЕНГУРОВ.